

* P * V * I * S *

* 1 * 6 * 2 * 4 *



- I. Eximium Theologicum Augusto Principi Anhaltino Nuptias celebranti con-
secratum à M. Zacharia Wommengiero.
- II. Causarum coniectio, quibus moti Status Regni Bohemæ ad Novi
Regis Electionem processerunt.
- III. Secretissima Instructio Frederico V. Electori Palatino data.
- IV. Summa Responsor ad Christianum Danicæ Regem Joan. Angelin.
- V. Soteria Acta semicæ Witebergensæ Johanni Georgio Electori Saxe Soluta.
- VI. Idea Principis Boni seu Oratio de vita et Obitu Johannis Georgii Princi-
pis Anhaltini M. Meeri Frederici Wendelini.
- VII. Panegyricus Parentalis Rudolpho Principi Anhaltino de Turæ & Eodem.
- VIII. De Vita et Obitu Johannis Georgii Principis Anhaltini D. Cyriaci Herdssami.
- IX. Narratio Uloriz de Johannis Georgii Principis Anhaltini Vita et Obitu.
- X. Halitodonia Thennique Francofurtanæ D. Cyriaci Herdssami.
- XI. Casparis Romani Evergetes Christianus de Vita et Morte Georgii
à Sebonaich.
- XII. De Industria et Studio Laboris M. Samuelis Dreyemii.
- XIII. De Aeris Salubritate et Studiorum Commotitate in valle Joachimini-
gæ Eiusdem.
- XIV. De Eruditione, Utrum Literarum Cultorib. phit peregrinatio?
- XV. De Origine et Incrementis Cottonicæ M. Benedicti Ambrosii.
- XVI. De Vita et Morte Joachimii Strasburgi Wilhelmi Strasburgi.
- XVII. Iusta Funeraria Johannis Everhardi incho gno funere sublata.
- XVIII. Programmæ Publicæ Academiæ Francofurtens.
- XIX. Inuitatio Publica ad Doctoratum D. Cyriaci Herdssami.
- XX. De Ratione Status et Prudentiâ Regnatricæ Martini Altagii.
- XXI. De Spiritibus Familiaribus.
- XXII. Solemne Funus Octavianii de Söhlisen
- XXIII. Exequiis Solemnes Johanni Christophori Herdssami.

^{XXII 20}
P R O R E C T O R E T S E N A T U S

Academiae Electoralis Brandenburgicae, quae est

Francofurti cis Viadrum.

S O L L E M N E F U N U S

Q U O D

Antiquissimi generis splendore nobilissimo, pietatis, doctrinae & virtutum nitore splendidissimo juveni

D N.

O C T A V I A N O

D E S C H L I E B E N, E Q U I T I M I L I T A R I S

O R D I N I S D. J O A N N I S H I E R O S O L Y M I T A N I,

E T C A N O N I C O

Brandenburgensi

Florenti aetate ex febre hectica mortuo

Filio suo charissimo, desideratissimo

Admodum Reverendus, Magnificus, Strenuus & Nobiliss. Vir

D N.

A D A M U S D E S C H L I E B E N,

S E R E N I S S I M I E L E C T O R I S B R A N D E B U R G I C I

C O N S I L I A R I U S, A N T E F A T I O R D I N I S

E q u e s p r i m a r i u s, C o m m e n d a t a r i u s i n L i t z e n, & c.

Dominus in Papitz, & VVulcka,

Ad d. 3. Kal. Aprilis

Ritu Christiano, nobili exsequiarum pompa quam ampliss. faciendum curat.

O m n i b u s r e i p u b. l i t e r a r i a e c i v i b u s

i n d i c i t.

T Y P I S

F R I D E R I C I H A R T M A N N I, B I B L I O P O L A E

& T y p o g r a p h i.

A Nni jam octo sunt, & paullo amplius: cum nobilissima gentis & generosissima mentis juvenis, Dn. Adamus-Fridericus de Schliebē, Cōmendatarius in Supplenburg designatus, nostra quondam Academiae alumnus florentissimus, procul à fundis & feudis paternis, longè ab osculis & amplexibus maternis, Cairi in Aegypto extremum natura debitum persolvit. Cum enim post fundamenta in literis & linguis apud nos præclare jacta; & in corde illo regionū Galliā, ubi Germanicæ Nationis Procurator ob ingenij præstantiam & morum elegantiam creatus, munus sibi delatum cum fide & dignitate gessit, per integrū quadriennium firmiter locata; moxq; peragrata semper quodammodo aut vernante aut auctumnante Italiā, & Cereris ortu, Proserpinæ raptu, Arethusæ fonte, Aetnæ monte, aliisq; memorabilibus rebus imprimis nobili Siciliā, Melitāq; Insulā, quæ Equitibus Hierosolymitanis, superiori seculo Rhodo ejectis, à Carolo V. concessa fuit, in Patavino Gymnasio, omnium totius Italiæ celeberrimo, quod redeuntem exceperat, & Teutonicæ Nationi à consiliis (quæ dignitas illic loci non exilis est) cum laude & honore esse viderat, perfectā; & impositum pœnè inchoato, ut sic dixerim, operi fastigium, domuitionem pararet: accidit sub illud ipsum tempus, ut Christianissimi Regis ad Turcarum Imperatorem Orator Sanzius urbem Adriatici maris dominam, & ab ipso sui primordio supra annos mille ducentos hodieq; virginem & liberam Venetiam.

netias transfret. Hujus in viri familiaritatem & comitatum nobilissimus juvenis, peregrinandi amore, exemplo Parentis & gentilis quondam sui, Ottonis à Schlieben, cujus insignia in monasterio Franciscano Ramæ, quæ Syria urbs est, anno 1153. lapidi insculpta à Patre, dum Foppe Hierosolymam iter facit, reperta & visa meminerat, incensus, ut recipi vehementer cupiens, ita facile perveniens, Graciam elegantie quondam sedem, & literarum domicilium, orbisque museum, & Thraciæ illud atq; Imperij fatale caput Constantinopolin vidit: indeq; cum aliis comitibus terram sanctam cumis, scholis, flagris, cruce, sepulchro, triumpho Christi Domini nobilitatem, vestigiisq; ejus sanctissimis calcatam, oculis suis, non superstitione aliquâ, sed religione ductus, usurpavit, pedibus pressit: tandemq; Nilo transmissio in Ægyptum, & primariam ejus urbem Cairum vel Alcaurum quam in loco alij Babylonis, alij Memphis conditam; alij ex Memphis, Tanis, & Heliopolis ruderibus exstructam; omnes certè ambitu maximam & populo abundantissimam esse dicunt, ingressus est: pede tamen, ut humanitus rem aestimantibus videri potest, parum, firmo & felice. Dum enim illud, cujus gratiâ tot dierum & mensium itinerata terrâ mariq; nec sine sumptu, nec sine vita discrimine fecerat, quam maximè urget: & populi mores, gentis ritus, urbis regiones & vicos, reipublicæ leges, incolarum inter sese & cum exteris commercia cognoscere sat agit: in febrem ex labore & defatigatione

tionē prid Non. Novembris Anno M. DC. XI. incidit: e-
amq; adsiduam, & satis molestam, tandemq; lethalem.
Etsi enim Matthæus Carbo Patavinus Medicus, Ve-
neto ejus loci Consuli à consilijs valetudinis qui erat, &
a via sociis V Volffgango à Buchvald Holsato, &
Henningo à Steinberg Brunsvicense Nobili ad agri-
curam adhibitus fuerat, omnibus viribus & maximā
cōtentione ei resistebat, ipsius tamē machinationibus &
medicatis potionibus, quamvis salubribus, & ex artis
prescripto propinatis tantum abest ut cessarit: ut die no-
no post, quo optatū salutis in crisi expectabatur signū,
lethalis exitū apparuerit nota: & adolescens nobilissi-
mus omnium opinione celerius, non ingratis tamē suis,
animam roseo Christi sanguine lotam, & sacrosancto cor-
pore ejus refectam, & contemplatione sacrorum locorū
pastā, in manus Redemptoris sui, anno etatis quincto &
vicesimo, resignavit animi verò vasculum corpus terræ
mandandum reliquerit: quod in modū dicto totius Ægy-
pti emporio, more inter Christianos illic recepto, Græco
quodam in templo, in fornice subterraneo, suis sumptib.
exstructo, comites itineris condiderunt: saxo, cui & no-
bilis defuncti nomen & insignia gentilitia incisa supra-
posito. Quantum, præstantiss. academia civis, & quam
grave creditis Magnificum & nobilissimum Dn. Ada-
mum à Schlieben, Equitem Commendatarium in Li-
tzen, & c. cōjugemq; ejus generosam, Barbaram à Flan-
sin accepisse vulnus: cum à vialibus comitibus Venetias
ex:

ex itinere salvois reversis, tristiss. de subitâ nec opinatâ
filij secundo partu editi longissimè remotis in locis morte
nuncium acciperent? Nos quidem tametsi Amplissimū
illum virum summâ gravitate summâq; constantiâ, nec
Xenophonti apud Gracos, aut Horatio Pulvillo ap. Ro-
manos animi magnitudine secundum esse novimus: ad-
duci tamen non possumus, ut credamus: siccis eum ocu-
lis, & immoto vultu literas æ obitu filij legisse: quem nō
modò ut sibi obsequentissimum tenerrimè amabat: sed
etiam opima ingenij spolia peregrè parta, Ægyptiisq; de-
tracta in patriam reportaturum, Deo consecraturum,
ad sacra Principis sui fastigia fixurum, & in tholo Rei-
publ. suspensurum; & sibi parenti mole negotiorum &
senio pœnè confecto, tanquam Atlanti Herculem subsi-
dio venturum, familiæq; suæ splendidissimæ ornamento,
& toti huic provincia emolumento futurum certò co-
gnoverat. Tulit tamen domesticum istum casum, & præ-
cipitem filij occasum placatè & moderatè: idq; hoc ma-
gis: quod partim primogenitus filius, eadem apud nos &
in Galliâ studia æque instituta secutus, Dn. Joannes-
Ernestus de Schlieben Sereniss. Electoris Brandebur-
gici primæ notæ Consiliarius, Vir strenuus & nobiliss. A-
cademiæ quondam nostræ alumnus, nunc fautor hono-
randus, superstes & ad manum esset: partim quod è se-
minio nobilissimo generosorū instar germinum succre-
scerent (de filiabus, nullis non corporis bonis & ingenij
dotib. eminentissimis, & partim splendidiss. Marchiæ no-

stra Equitibus elocatis, nihil ut jam dicam) Maximilianus & Octavianus filij: quos & ipsos eandem cum majoribus fratribus virtutis & vitæ orbitam pressuros, metamq; nō tardis quadrigis consecuturos, & fatalem generis jacturam resarturos confidebat. Quorum è numero posteaquam natus minimus Dn. Octavianus in flore ætatis, in medio virtutum & dignitatum spatio a. d. 9. Kal. Martij vitam amisit: non potest vulnus illud parentum ex Adami-Friderici, & alterius filij Christiani, totidemq; filiarum Margarethæ & Barbaræ-Sabinæ obitu antea acceptum, necdum obductâ cicatrice consolidatum, non recrudescere, non vosq; stimulos pristino dolori suffigere. Et si enim nullus dolor aut tantus aut tam acris est, quin longinquitas eum temporis minuatur atq; molliat: sæpeq; à lugentibus dies impetrat, quod ratio impetrare non potuit: tamē, ut præconia virtutum & vitiorum probra perennare solent; ita quod parentibus triste sui desiderium relinquunt liberi, ejus ardor semel accensus non facile exstinguitur: sed cum exstinctus esse creditur, cineribus quasi tectus jacet, & levi quaq; occasione inardescit. Quia verò liberorum suorum amantes esse parentes sic decet: ut simul etiam sint Dei diètis audientes: non autem ita suæ cupiditati obsequi, ut cœlesti Numini morem gerere detrectent, ejusq; indignationem in se convertant: Magnificus quoq; Parens, ut antiquâ generis nobilitate, amplissimâ dignitate, & præclaris in rempublicam meritis nō paucos sui ordinis

ordinis viros post sese relinquit; ita pietatis Christianae
Et constantia virilis studio nemini illorum facile cedit:
Et in duplicato vel potius multiplicato hoc vulnere
Et funere familiari animum nequaquam demittet, aut
dimittet: sed in Dei voluntate, ut ut diverso itinere à sua
processerit, sibi acquiescendum esse statuet. Quod ut fa-
ciat, cum plures aliae ipsum causam movebunt: tum ista
in primis: quod Octavianum filium, quem modo premi-
sit potius quam amisit, id quod maximum homini dari
possit à Deo jam consecutum esse sciat. Alius sanè alium;
ego illum beatissimum judico: qui vitam in his terris,
quantula ea cunq; fuerit, laudabiliter egerit: Et in ve-
rà Filij Dei agnitione, constanti confessione, Et ardenti
precazione eandem clausit. Veteres certè, qui soli per
extensum funem ire norunt, pro certo jam dudum sta-
tuerunt: quomodo fabulam, sic Et vitam; non quam diu,
sed quam benè sit acta, referre: Et ἐν θανάτῳ, hoc est,
beatà morte, quam frustra sibi C. Octavius Caesar Au-
gustus Christum ignorans optabat, nihil homines meli-
us nancisci posse augusto Friderici Imperatoris ore pro-
latum. Utrumq; horum nobilissimo Octaviano, Dei im-
mortalis beneficio, obtigisse paucis docebimus hoc pro-
grammate: satis hoc modo facturi nostro hac in parte
officio Et mori recepto: nostrumq; simul erga defunctum
amorem declaraturi: Et debitum virtuti ejus testimo-
nium perhibaturi, premium tributuri. Nulla quippe est
speciosior statua, quam honorifica benè acta vita me-
moria.

memoria. Octaviano itaque de Schlieben, ut gloriose vitam conficeret, viam praevertunt & facem praetulerunt majorum, à quibus equestrem dignitatem traxit, splendor & amplitudo: fortunæ & gloriæ paternæ altitudo: pia parentum sollicitudo: & à naturâ largâ manu tributa animi corporisque habitudo. Majores ejus non heri aut hodie primum in nobilium censum relati: sed jam à multis seculis, adeoque ipsorum Ottonum temporibus, viri fuerunt nobilissimi, & summo splendore præditi: & in aulis ministerisque multorum in Germaniâ Principum magnâ cum laude versati: duces etiam belli & Tribuni militum: atque ita sago & togâ clarissimi. Cuius certissimum argumentum est: quod in Trojamini- bus, quæ vocant, seu ludis equestribus, sub Henrico I. Imperatore, cognomento Aucupe, primum in Germaniâ institutis, ad quos nemini penitus, nisi qui à vitæ nobilitatis & majorum honestatis testimonia proferret atque auget, vi legis 12 hastiludialis, accessus patebat, honorifica Schliebiorum, & rerum præclare ab illis gestarum fiat mentio. Non minoris ponderis illud est, quod multi ex eadem familiâ inter milites S. Joannis Hierosolymitanos, qui instar Maccabeorum pro fide ac lege Christi cum Sarracenis dimicare tenentur; & tam inter Magistros Ordinis illius in hac Brandenburgicâ Baliviâ, quam Commendatarios allecti; nec minus ad Brandenburgensem & Lebusiensem Præsulatus, & Magdeburgensis, aliarumque Ecclesiarum Cathedralium

Cano.

Canonatus, quibus non nisi antiqua prosapia & mul-
tarum imaginū homines honorari solent, erecti & pro-
moti fuerint. Avus ejus paternus Andreas de Schlie-
ben in Zammendorff & Trebicho Feudatarius, &
Commendatarius in Logau fuit: Avia paterna Clara
de Schlieben, Magni de Schlieben in VVusterhaus-
sen & Belitz ex Lossiā Megagandrinā Filia; Liborij
de Schlieben, cujus uxor de gente Bredoviā è domo
Frisagk, Neptis; Christophori de Schlieben, cum
quo Maltitia è domo Tauche nupta, Proneptis; Eu-
stachii de Schlieben, qui Sparriam è domo Trampe
in matrimonio habuit, Abneptis. Proavus paternus
Georgius à Schlieben Eques è domo Stolpe in Episco-
patu Magdeburgensi; Proavia paterna Anna Langia
è domo Munchhofen, Georgii à Langen filia: Aba-
vus paternus Theodoricus à Schlieben ex eadem do-
mo Stolpe: abavia paterna Anna de Leipzig, ex domo
Beervvalde. Non minus clara ex maternā lineā fuit
nobilitas. Avus ejus maternus Gaspar à Flanss in Zigeo-
ser, Serenissimi Electoris Brandenburgici primum Ma-
rescallus fuit; post aula Magister & Capitaneus Fur-
stenovaldensis, Canonicus Brandenburgensis: avia
materna Margaretha de Rohr è domo Schrepke, Joan-
nis à Rohr ex Barbarā Barfusiā è domo Malchovv
Filia; Bernardi à Rohr, cum quo Arnsbergia nupta,
neptis. Proavus maternus Theodoricus à Flanss è do-
mo Wittbrühen; Proavia materna ex gente & domo

B

Mar-

Marvitz. *Abavus maternus* Georgius à Flans: *Ab-*
avia gente V Vittiâ è domo Blumberg & Malsin na-
ta. Hisce ex radicibus in surculum & propaginem no-
stram vita, succus & fructus derivatus est: hisce, in-
quam, ex majoribus in Dn. Octaviano vera nobili-
tatis & virtutis sapor diffusus est: omnium verò maxi-
mè & proximè à Magnifico, Strenuo, & Nobilissimo Pa-
tre, IV. Electorum Brandenburgicorum Consiliario: cui
non tam cani & ruga auctoritatem, quam honestè acta
superior ætas fructus auctoritatis, quæ senectutis apex,
adtulit maximos. Post susceptas enim, & feliciter con-
fectas primâ ætate in Græciam, Syriam, Palestinam, A-
rabiam peregrinationes; sollertiamq; & rerum civilium
peritiam, & circa iussiones fidem, Principibus suis & Pa-
triae multis rerum argumentis probatam, amplissimos di-
gnitatis adeptus est gradus: & virtute suâ promeritus,
ut in ordinem Equitum S. Joannis allegeretur: &
præfecturam Litzensem commendatam possideret: &
Decanatum in Ecclesiâ Cathedrali Brandenburgensi ge-
reret: & Illustrissimi Principis Joannis Georgii Mar-
chionis Brandenburgensis Borussia, &c. & Carnovia
in Silesiâ Ducis, Equitum S. Joannis per Marchiam,
Saxoniam, Pomeraniâ, & Vandaliâ Magistri in Ba-
liviâ Sonnenburgensi Vicarius esset: & inter Delectos
Ordinû hujus provincie ex parte Mesomarchie & Ru-
pinensis Comitatus principem locum & auctoritatem
teneret. Natura verò quam Dn. Octaviano non par-
ca fuit noverca, sed benigna mater? Staturam hac ipsi

largit a erat proceram, & vultum nescio quod ingēs bonum
preferentem: & corporis dignitatem orisq; venustatē ad-
junxerat: ut nec de Gorgonij Pythonis prosapiā esse vide-
retur: nec pro oris deformitate pœnas toto corpore cū Phi-
lopamene luere necessum haberet: nec ob turpitudinem cor-
poris in turpificati animi suspicionem aliis veniret. Et si n.
non pauci magni & clari viri oris & membrorum elegan-
tiā caruisse traduntur: & in eburneo interdum corpore
plumbeus latet animus: tamen

Gratior est pulcro veniens è corpore virtus:

& plerunq; ut malus animus male, ita elegans bene habi-
tat: non frustra ut doctissimi viri scripserint: naturā ma-
gnis mentibus domicilia corporū digna metari. Quin ge-
nerosus sese à teneris mox annis in nobiliss. hoc juvene ex-
seruit animus: honestis nempe semper delectatus, turpibus
offensus: & ita doctrina ac virtutis cupidus: ut & domi
sub pedagogis doctissimis prima pietatis & literarum ele-
menta ocysimè perciperet: & in Illustri Vallis Joachimi-
cæ Gymnasio laudabiles progressus faceret. & in academiā
nostrā supra quadriennium non tantum præceptorib. pri-
vatis, quos ipsi parentes adjunxerant, Dn. Joanni Nean-
dro J. U. Doctori & substituto Professore, Viro Clariss. &
Dn. Friderico Mejero, Senatori reip. oppidana nūc tem-
poris prudentissimo; sed etiam Publicis Professoribus, ju-
ra, Leges, historias, mores & instituta civitatum quā pu-
blicè quā privatim juventuti tradentibus, sedulo operam
daret. Quorum ex lectione & frequenti conversatione et si

nō parum in studiis profecerat: Et multis, iisq; eximiis natura ac fortuna dotibus, quib. vulgus nobilium caret, clarebat: nunquam tamē visus est insolenter sese efferre, aut aliis præferre: sed facile omnes perferre ac pati: Et verecundia in primis, quæ virtutū ceterarum custos, ornamentum iuuetutis, optimæ indolis signum, ac seges vera gloriæ Et doctrinæ perhibetur, impense studere. Quod Et virtutis ille color in visu Et vultu arguebat: qui tametsi ex bonâ corporis habitudine Et ætate efflorescebat; tamē vestis instar à naturâ huic adolescētī additus erat, quâ generosus ejus animus tegeretur. Sic igitur natus Et educatus cum esset: fieri non potuit, quin eum in omni vitâ majorum claritas ad honesti amorem accenderet: Parentis auctoritas ad virtutē alliceret: institutio Et pudor à vitiis retraheret: corporis dignitas quidquā deforme aut indecorum cōmittere prohiberet: naturæ bonitas ad optima quæq; Et isto loconatis dignissima studia inflammaret. Quò etiam factū, ut ætate majores eum certatim amarent, æquales honorarent, minores observarēt: cum ipse vicissim grande vos obsequiis, æquæ vos officiis sibi obligaret: Et cum civibus, eorumq; liberis, nō modo placidē sedateq; sed æquo etiā jure vivere sustineret: quod quàm rarum hodie in nobili homine, tam laudandum. Quāto n. caput altiùs, tantò collum, ut vetus habet verbum, debet esse mollius. Mirè quippe decet nobilitatis altitudinem humanitatis māsuetudine remolliri. Hoc vitæ institutum dum nobiliss. Octavianus tenet: Et in eodem cum majoribus suis circo ad palmam currit: nec beneficia, quæ merebatur, Principes fratres mo-

rantur: sed alter inter Equites Ordinis militaris saepe jam
dicti, alter inter Canonicos Brandeb. locum ei tribuit:
dumq; jam talaria induit, & Illustrissimum Principem
Joachimum Sigismundum, Serenissimi Electoris, Inclyt-
tae recordationis, natu minimum Filium, cuius illustris-
situdini, ante quoq; quam Francofurtum veniret, sub-
jectis. studia & operam totius anni spacio navarat, gra-
tiamq; & favore ejus demeritus fuerat, in Galliam pro-
ficiscentem comitatur: & primi diei itinere cōfecto Span-
doviam ingreditur: ecce hominē corpore & animo, ut vi-
debatur, valentem præter omnium opinionem morbus ex
insidiis adoritur: tanto cum impetu; ut pedem referre, &
Coloniam primum, inde domum ad nobiliss. Parētes, tan-
dem in hanc urbem curationi opportunissimam sese recipere
coactus fuerit. Hic verò ad frangendas morbi vires, & re-
cuperandam valetudinem etsi pia parentum cura nihil
ferè intentatum reliquit, quod gravissimis etiam morbis
profligandis facere videretur: nihil tamen aut publica va-
luerunt Ecclesie preces; quarum alias ad obtinendam piis
sanitatem vis solet esse maxima: aut Medicorū hujus loci
peritissimorū crebri cōventus, & cōmunicata cum vicinis
Medicis, iisdemq; experientiss. & felicissimis, & ab Archi-
atris Electoralib. approbata consilia: aut Deorum manus
medicamenta, magno sumtu & numero exhibita. Nimirū
fatalis cum vitæ terminus adest, & clesydra homini ad-
vivendum data, ut oratorib. olim ad agendum, exhausta
est: frustra humana adhibentur præsidia & remedia: nisi

miraculosè Deus agat: quomodo Ezechia vitam ob fidei
rectitudinem prorogavit: Anastasio ob ejusdem per-versi-
tatem decurtavit. Nec tamen Adolescens Nobilis, pro-
pter diurnam corporis infirmitatem animo frangebatur:
sed, ut Christianū militem decebat, Imperatorem cœlestē
sine murmuratōne sequebatur: & morbum patiēter fere-
bat. Didicerat n. ex sacris, electos & dilectos Dei, quantò
amplius diligantur, tantò in triturâ persecutionis durius
conteri: noveratque se, si ferrum esset, crucis hoc igne à
rubigine mundari; sin autem aurum, eodem probari
Mortem sibi imminere & jugulum petere cum senti-
ret; etsi id atatis erat, quâ si non cavere, pavere tamen
homines mortem solent, nequaquam tamen cum My-
cerino Ægypti Rege id succensebat, quia tam citò ex hac
vitâ sibi excedendum esset: sed animo forti & impertur-
bato, posteaquam adolescentia cespitationes & lapsus lacry-
marum imbre diluerat, & sacro viatico sese munierat,
compos mentis, veritatis cœlestis semel agnita tenax, an-
nos natus XXII. mensem unum & XIV. d. inter pias
preces & suspiria 9. Kal. Martij, ut dictum, mortē excipie-
bat: certâ spe fretus se, cum humiliter flagella hic suscepe-
rit, post flagella istic ad requiem sublimiter receptum iri:
& quia in Ecclesiâ militante fovet semē gratiæ, in Ec-
clesiâ triumphante fructum quoque gloriæ messurum esse.
Quæ spes eum nequaquam fefellit: ipseque jam de morbil-
lis & varis qui superiore anno valetudinem ejus non pa-
rum afflixerant, de febris hectica angoribus & doloribus,

¶

Et de morte adeo ipsa gloriosissime triumphat: atque ad
beatarum mentium, fratrumque Et sororum suavissi-
marum, quae ipsum antecesserant, sanctiss. societatem ad-
gregatus amplissimis fruitur gaudiis: ac ne Attalicis qui-
dem conditionibus, ut inde ad nos, hoc est à pace ad bel-
lum, à patria in exilium, à carcere in libertatem, à quiete
ad laborē, à refrigerio ad aestum, à solatio ad fletum à bo-
no ad malum, à vitâ in mortem, à cœlo in Orcum redeat,
dimoveri potest. Nobilissimo huic juveni Parentes
mœstissimi hodierno die Christiano ritu Et pompâ nobili
exsequiarum funus ducere constituerunt: quod spectâbili
vestro comitatu, cives Academiae, Et magno honestissi-
morum hominum concursu ut optant, ita sperant sollempni-
ter iri exornatum. Quae vestra hic partes sint, nobis et
jam non monentibus, facile intelligitis. Ipsa vobis, opinor
suadebit pietas, persuadebit honestas, calcar suppunget
nostro ordine digna humanitas, Et, quae ubique gratiosa
est, vita functi juvenis nobilitas: ut commilitoni quon-
dam vestro Et amico exsequias frequentes eatis: atque
id serio agatis: ut gravissimi luctus nimis hinc vuln-
era, in pectoribus Nobilissimorum parentum, Fratrum,
Sororiorum Et Propinquorum, generosa prosapia, sum-
maque auctoritatis Et amplissima dignitatis in Mar-
chiâ Equitum, vestrâ, velut aquum est, præsentia Et com-
passione quasi cicatricentur. Piaculum enim quoddam
est, ait Cassiodorus, inter tristes velle gaudere: Et huma-
nitatis

nitatis refugit affectum, qui dolorem non sequitur alie-
num. Quod si nos suis calamitatibus commoveri, malis
consauciari senserint: non consensum modò in adfectu
probabunt; sed omnes etiam semper occasiones captabunt
ordinem nostrum amandi: & quibus poterunt studiis atq;
officiis (possunt autem plurimis) ornandi & juvandi.
Gratia namque, ut verissimè Sophocles scripsit, gratiam
parit: & οἱ ἀγαθοὶ καὶ ἀντὶ μικρῶν οἰδασι χάριν,
boni etiam pro parvis sunt grati. Ite ergo exsequias: o-
ptimèque vivite & valete. P. P. XXX. die,

Martij, anno reparata salutis
c. l. l. CXX.

C. N.

Nh 122

ULB Halle

3


002 714 272



St

1017







XXVII 20
P R O R E C T O R E T S E N A T U S

Academiae Electoralis Brandenburgicae, quae est
Francofurti cis Viadrum.

S O L L E M N E F U N U S

Q U O D

*Antiquissimi generis splendore nobilissimo, pietatis, doctri-
nae & virtutum nitore splendidissimo juveni*

D N.

O C T A V I A N O

D E S C H L I E B E N , E Q U I T I M I L I -
T A R I S O R D I N I S D . J O A N N I S H I E R O S O -
L T M I T A N I , E T C A N O N I C O

Brandenburgeri

Florenti aetate ex febre hectica mortuo

Filio suo charissimo, desideratissimo

Admodum Reverendus, Magnificus, Strenuus & Nobiliss. Vir

D N.

A D A M U S D E S C H L I E -
B E N , S E R E N I S S I M I E L E C T O R I S B R A N -
D E B U R G I C I C O N S I L I A R I U S , A N T E F A T I O R D I -
n i s E q u e s p r i m a r i u s , C o m m e n d a r i u s i n L i t z e n , & c .

Dominus in Papitz, & VVulcko,

Ad d. 3. Kal. Aprilis

*Ritu Christiano, nobili exsequiarum pompa quam am-
pliss. faciendum curat.*

Omnibus reipub. literariae civibus
indicit.

T Y P I S

F R I D E R I C I H A R T M A N N I , B I B L I O P O L A E
& Typographi.